

# S LO

Afl. 1.25

BRIYANDO FUERTE • TRECIENDO CLARIDAD  
DIALUNA 25 MAART 2024

Di Pueblo

**MIKE EMAN A DUNA SU  
RUMAN VEN EMAN 1.9  
MIYON PA 1 AUTO DI  
DRAG RACE**



**WWW.SOLODIPUEBLO.COM**



**SOLODIPUEBLO@GMAIL.COM**

**DETENCION  
DI UN  
BOTO CU 9  
PERSONA  
INDO-  
CUMENTA  
CU DROGA  
ABORDO**



**HOMBER DETENI NA EX  
UNITED DINNER CU HOPI  
DROGA Y MUNICION**

**TEAM DI NARCOTICA CU DETENCION PA CU  
BENDEMENTO DI DROGA**



**GRAN APERTURA DI  
BASKETBALL COURT NA  
VILLAGE, SAN NICOLAS**



**AMI  
CUBO**

**ONLINE LIVE SESSION**

**UZO DI REMEDI**

**SABINE VAN DER WAL**  
Boticario

**DIAMARS**

26 DI MAART 2024

ORARIO: 11AM


LUGA: FACEBOOK HOH ARUBA



NOS SEMPER T'EY!



# TEAM DI ARESTO HUNTO CU POLISNAN DI K9, TEAM DI NARCOTICA REFORSA CU VARIOS POLIS A HACI ENTRADANAN JUDICIAL



Diasabra anochi un team basta grandi di oficialnan di e team di aresto, unidadnan di K9, e team di Narcotica di polis, reforsa pa varios otro polis a haci varios entradanan oficial compaña pa oficialnan di ministerio publico. A drenta casnan sospechoso y a haci algun detencion. Esaki tabata un accion cu nan mester a tene pa basta tempo caba pero ta te awor nan a ehecuta.




## DAMA TURISTA BAO INFLUENCIA BISTI INAPROPIA DEN UN BAR A KEDA DETENI PA POLIS



Diasabra atardi a drenta informe di cu tin un dama turista basta burachi y bisti cu bikini den un bar na Pos Chikito y tabata hala atencion di algun homber bebiendo eyan cu gana y pensamiento pa bay cu e turista.

Pa su mesun bon y di otronan polis a bay papia cun'e pero e no kier a tende y no a keda nada otro cu polis detene pa buracheria den publico.

## MOTOCICLISTA A SUBI ROTONDE PAPERCLIP CU SU BROMMER Y A ACCIDENTA




Diabierna madruga a drenta informe si un accidente cu hende herida na rotonde paperclip na Sero Patrishi, mesora a dirigi tanto polis como ambulans na e sitio. Na yegada di e patruya ya caba ambulans tabata na e sitio atendiendo un victima y a bin compronde cu aki ta trata di un motociclista biniendo for di pabao lo a bin mucho duro

y no a logra para na tempo y a subi e rotonde perde control y dal abao. Debi na e caida ela resulta herida pero como e motociclista tabata historico e personal di ambulans a pidi polis pa compañanan pa hospital.



# HOMBER DETENI NA EX UNITED DINNER CU HOPI DROGA Y MUNICION

TEAM DI NARCOTICA CU DETENCION PA CU BENDEMENTO DI DROGA



Diasabra durante dia e Team di Narcotica a hasi diferente entrada hudicial y tambe detencion.

Ta asina cu e Team Narcotica ta trahando incansablemente pa combati e bendemento di droga diariamente.

Ayera a detene e homber F. di 32 aña na ex United Dinner pa bendemento di droga. A confisca diferente droga entrenan cocaina, cocaina base, marihuana y tambe a haya municion.

Tambe a haci entrada hudicial na Panamastraat.

Eynan Team Narcotica a confisca cocaina y marihuana.

Durante e accion di Team Narcotica a forma parti, e team di Aresto, Flex Team y Unidad di K-9. Un tremendo trabao di Team Narcotica.

## POLIS A CONFISCA SCOOTER CU NO TIN PAPELNAN NA ORDO FOR DI MOTOCICLISTA



Diasabra atardi laat polisnan atento a para un motociclista den Frankrijkstraat pa un control. Durante e control a bin tuma nota cu e scooter no tin su papelnan na ordo. Eynan mesora polis a baha e motociclista for di e scooter y a confisca esaki. A pidi pa un takelwagen bin busca e scooter y hib'e pa warda di polis.

## CHAUFFEUR DI TOURBUS TA CULPA OTRO CHAUFFEUR DI TOURBUS CU A BIN DAL RIBA DJE PERO AMBOS A BANDONA E SITIO Y A BOLBE DESPUES

Diahuebs mainta a drenta informe di un accidente na e caminda pa bay Lighthouse, mesora a dirigi un patruya na e sitio.

Na yegada di e patruya a bin compronde cu aki ta trata di un accidente entre 2 tourbus unda ambos a pusha pa nan a pasa riba e caminda smal unda na ambos banda di caminda tin obstruccion y como e busnan ta hanchi nan spielnan a dal otro y un di e busnan a dal taira na piedra y haya daño.





# GRAN APERTURA DI BASKETBALL COURT NA VILLAGE, SAN NICOLAS



Diabierna anochi, a tuma luga e gran apertura di Sint-Maartenstraat Basketball Court na San Nicolas. Manera ta conoci, e ultimo aña cu a renoba e cancha tabata na aña 2009 y desde e tempo ey e cancha no a haya atencion mas. Mirando e condicion deplorable di e cancha, Minister di Deporte Endy Croes hunto cu su team a inicia cu e proyecto di renobacion di e cancha aña pasa den e luna di februari. A aloca fondo tanto di Gobierno di Aruba y Lotto pa Deporte pa renoba entre otro, e heki,

vloer, ring y hut. Tambe a instala luz LED cu ta traha cu sistema solar pa tin un bon iluminacion. Minister Endy Croes hunto cu Presidente di Parlamento di Aruba mr. Edgard Vrolijk, Prome Minister di Aruba Sra. Evelyn Wever-Croes, Minister Rocco Tjon, Parlamentario Sra. Shailiny Tromp-Lee, Sra. Darlaine Guedez Erasmus, Sra. Setty Christiaans-Yarzagaray, Sr. Hendrik Tevreden y demas invitadonan special tabata presente na e apertura di e cancha di basketball na Village.



Prome Minister Evelyn Wever-Croes a duna un discurso, felicitando Minister Endy Croes y su team pa e gran trabou cu nan a haci den e proyecto di renobacion di e cancha aki. Durante e ocasion special aki, a inaugura e cancha y a dedic'e na dos legendario den e deporte di basketball, esta Sr. Malary Anthony Coco "Pete", den feliz memoria y Sr. Ricardo Cooper. Fuera di esaki, a entrega un reconocimiento den nomber di Gobierno di Aruba na coach Sr. Sean Toppenberg y cuater atleta di e deporte di basketball cu a titula subcampeon den Weganan Interinsular 2024 na Boneiro. E

hobennan atleta Cyondre Stennett, Danoe Gumbs, Deshon Warner y Cayden Fraser ta bishita Graf von Zinzendorf School y a laga Aruba su nomber den halto. E hobennan aki a ricibi un medaya y bala di basketball pa nan scol di Minister Endy Croes. Tambe, e comerciantenan di Promenade a uni pa regala e mucha- y hobennan di Village bala di basketball pa por sigui practica nan deporte. Despues di e ceremonia, e ekiponan di KPA y De Vuyst Impact a enfrenta otro, unda cu e ekipo di De Vuyst Impact a gana e hugada.

Na final di e anochi, e

banda musical Groove Masters a pone un excelente ambiente pa esnan presente cu nan exitoso repertorio. Finalmente, Minister Endy Croes a indica cu esaki sigur ta un gran logro pa e distrito di San Nicolas, mirando e oportunidad cu ta brinda e mucha- y hobennan di e distrito pa practica deporte y keda activo. Minister Endy Croes ta gradici Gabinete Wever-Croes II, Ministerio di Deporte, Lotto pa Deporte y tur esnan cu a contribui den e proyecto di renobacion di e cancha di basketball na Village. Pabien San Nicolas cu e gran logro aki.



# DETENCION DI UN BOTO CU 9 PERSONA INDOCUMENTA CU DROGA ABORDO



Diabierna anochi, radarnan a detecta movecion di un boto sospechoso den direccion di Aruba. A pidi e avion DASH di Wardacosta pa asisti pa verifica e contacto. Den ora nan di marduga di diasabra, 2 Metal Shark a sali pa asina topa cu un boto tipo 'Yola' cu un total di 9 persona indocumenta cu nacionalidad Venezolano abordo. Prome cu unidad nan a yega, persona nan riba e boto a logra di benta bultonan den awa, pero unidad nan di Wardacosta cu asistencia di e helicopter a recupera nan. Ta trata di mas o menos 850 kilo di cocaina i marihuana, cu a wordo confisca.

E persona nan y e narcotico



nan a ser entrega na personal di Cuerpo Policial di Aruba. A sigui cu e proceso di investigacion y a destrui tur droga.



## CAREER SPOTLIGHT

BY AHATA

THEN

2013  
Assistant Chief Engineer  
Marriott Aruba Resorts

NOW

2021  
Director of Hotel Operations  
Marriott Aruba Resorts

RYAN BAREÑO



## Parlamentario Hendrik Tevreden:

# PRONTO LO TIN TURF PA CENTRO DI BARIO DAKOTA



, Aruba 22 Maart 2024: Parlamentario Tevreden ya di 2021 a bisa gobierno pa nan traha duro pa logra hunto cu FIFA e turf pa veldnan di futbol na Aruba. Y sigur e veld di e

campeonnan di Dakota tambe lo ta den e areglo aki.

Tevreden ta hopi satisfecho cu gobierno ta prepara y ekipa clubnan na Aruba pa por brinda mihor

calidad di veldnan pa deporte en general. E ta un apoyo y cooperacion cu ta necesario pa nos hobennan por practica deporte.

Pa e parlamentario, esaki ta nifica cu e oportunidad cu Centro di Bario y Deporte Dakota lo mira veld di yerba den e tempo nos dilanti. Y ta spera cu mas veld tambe por haya esaki.

Centro di Bario y Deporte Dakota ta un di e clubnan cu mas tanto mucha tin cu ta haci uz

o di e tereno pa practica futbol. Di teamnan baby te pa division di honor, dunando asina tur edad e oportunidad pa practica deporte y asina mantene nos hobennan for di mal caminda.

Tambe Dakota ta un di e clubnan cu mas aña di existencia na Aruba mirando cu a caba di celebra 7 aña di existencia algun luna atras.

For di 2017 caba den parlamento a scucha AVB riba e tema aki y ta mira cu awor tin luz den horizonte. Ta spera cu minister di deporte finalisa e proceso aki den forma positivo y pa gobierno cumpli cu Centro di Bario y Deporte Dakota pa drecha e tereno cu turf, esta yerba artificial. Asina nos muchanan por sigui practica e deporte di futbol y e lo ta un muestra di aprecio grandi na tur miembro, hungador, habitantenan y simpatisadornan di S.V. Dakota y e bario di Dakota den gran forma.

Nos ta spera di por experiencia e realisacion aki y cu esaki no lo keda na solamente un sueño, Parlamentario Tevreden a expresa.

Finalizando, Tevreden ta desea hopi exito tambe na e directiva nobo di Centro di Bario Dakota cu tin e retonan



dilanti pa Club sigui avansa.

"Nos ta mira e avance y e bario ta disfrutando cu nos club ta casi casi unda nos tur kier pa e ta. Mi ta spera cu e directiva keda transparente, responsabel y dedica na e trabou cu a ser encomenda na nan pa logra metanan grandi pa e bario di Dakota en general", a agrega.

## Prome Minister Evelyn Wever-Croes:

# GOBIERNO ACTUAL NO TA ESUN CU A DUNA ST REGIS TERENO PA CONSTRUI UN HOTEL NA ARUBA

Despues di hopi negociacion, a logra yega na un acuerdo pa baha e cantidad di camber.

Pa aclarea cualkier duda den comunidad, Prome Minister Evelyn Wever-Croes a duna un splicacion breve, riba e tereno cu a ser otorga na St Regis pa por construi un hotel na Aruba. Prome Minister a splica cu tempo cu sra Marisol Lopez-Tromp tabata minister di infraestructura, el a sera un compromiso cu St Regis, cu a indica di ta interesa

pa construi un hotel na Aruba, consistiendo di 308 camber.

Na 2017, ex minister di infraestructura, mirando cu no por a elimina e acuerdo aki, a tuma e decision pa sinta na mesa cu St Regis pa purba re-negocia e acuerdo aki, pa reduci e suma di camber otorga. Despues di hopi negociacion, a logra yega

na un acuerdo pa baha e cantidad di camber na 200. Construcion pa cu e hotel aki, a inicia na 2019 y lo dura un par di aña prome cu e hotel por habri su portanan oficialmente.

"E ta importante pa aclarea e dudanan aki den comunidad, y pa pueblo di Aruba ta bon informa di unda cierto decisionnan ta bin. E prioridad di



Gabinete Wever-Croes ta pa traha na bienestar di pueblo, y pa comunidad di Aruba ta altanto di tur

desaroyo, cu e informacion corecto" Prome Minister a expresa.



**Secretario General di MEP na Mike Eman y AVP: Prohibi pa lubida**

# MIKE EMAN A DUNA SU RUMAN VEN EMAN 1.9 MIYON PA 1 AUTO DI DRAG RACE

Nos por a tuma nota cu algun “sapato bieu” di AVP manera, Mike Eman, Mike de Meza y Dowers ainda kier fomenta odio den pueblo contra nos Minister Presidente Evelyn Wever-Croes y partido MEP. Nos lo percura pa keda recorda pueblo di e berdadero cara di AVP. Alabes lo percura pa nunca pero nunca mas pueblo lubida e gran logronan di AVP den e periodo 2009-2017: 1. AVP a crea e Mega Debe; 2. AVP a bin cu e LAFT; 3. AVP a ranca 201 miyon di nos companianan estatal; 3. AVP a Hedge WEB, cual a costa pueblo 300 miyon; 4. AVP a regala Richard Arends “Horizon Consultancy” 4 miyon florin; 5. AVP a regala Speed y Patrick 8 miyon florin; 6. AVP a corumpi RDA hortando 20 miyon; 7. AVP a regala Patricia Dowers, kende ta casa di Dowers, 400 mil florin; 8. AVP a regala abogado Sjiemfat 5 miyon florin; 9. Mike Eman a regala su ruman 1.9 miyon pa 1 auto di careda; 10. AVP a brasa corrupcion cu e resultado conoci casonan IBIS y Avestruz, unda Paul Croes awe ta cera den KIA y Benny Sevinger tin veredicto di prison riba su cabes rumbo pa KIA. Pues, a “Mafia Partij” AVP y su bandidonan ta bon conoci pa su casonan bochoroso y esaki hamas pueblo kier pa ripiti. Tur ta cu prueba!

**Auto di drag race di ruman di Mike Eman:**

Awe nos lo recorda Mike Eman y AVP con Mike y AVP a practica nepotismo. Net Mike Eman a manda un carta Hulanda riba e tema nepotismo! Het kan verkeren. Mike Eman (AVP) a percura pa durante ocho (8) aña un (1) solo auto di careda (drag race) ricibi 1.9 MIYON florin di fondonan di pueblo pa core na Merca. Por escrito a haci uzo di derechonan di parlamentario algun aña pasa pa por a haci pregunta na ATA y AAA. Por escrito a ricibi contesta for di ATA y AAA cu ruman homber di Mike Eman a ricibi 1.6 MIYON florin for di ATA y 300 mil florin for di AAA pa un total di 1.9 MIYON florin. Esaki a pasa bou di e nomber Team Aruba, unda Mike Eman su ruman homber y Mike Eman su sobrino tabata “Team Aruba” y esnan cu a ricibi y disfruta di e fondonan di pueblo aki. Prohibi pa lubida! Mama Aruba y Deporte di drag den totalidad sufriendo mientras un yiu ta “luhia”.

## **Palo Marga casi a bira un ruina:**

Mientras e pista di Palo Marga na Aruba tabata den decadencia total, Mike Eman tabata percura pa su ruman y su sobrino por “luhia” cu fondonan di pueblo na Merca. Tristo pa mira con e unico pista di drag race na Aruba tabata cayendo den otro. Notabata tin luz na e parke aki, pista mes den condicion fatal y caredanan no por a wordo



organisa manera mester ta. Deporte di drag race tin un fanaticada masha grandi y alrededor di 700 persona ta practica e deporte aki. Deporte aki ta wordo sosteni pa familiar y amigonan na un forma masal, pero ni esaki no tabata importa Mike Eman y AVP. Pa Mike Eman y AVP tabata mas importante pa su ruman y su sobrino por core na Merca “atracando” 1.9 miyon di e fondonan di pueblo pa logra nan meta. Menos importante tabata ta e sufrimento di tur nos otro coredor nan y esnan cu ta stima drag race.

## **Ayudo ta na caminda pa Palo Marga:**

Kier enfatisa cu e ayudo ta na caminda pa Palo Marga. Den aña 2023 a instala 26 poste di luz pa ilumina henter e pista y den aña 2024 lo recap e pista completo cu un race asphalt mix ultramoderno pa pone e pista bek den e condicion cu e lo bira uno di esnan miho den region. Inversion total



di alrededor 1.9 miyon cu si mester ta cla cu AVP florin. Cu pasenshi ta gana nunca, pero nunca mas por gloria. Un compromiso goberna e pais aki bek.




## **ANUNCIO**

SETAR ta informa cu tur su oficinanan y teleshopnan ta cera:

- Diabierna 29 di maart 2024
- Diasabra 30 di maart 2024
- Dialuna 1 di april 2024

E Kiosk na Airport y e Contact Center ta keda duna servicio orario normal. Pa cualkier pregunta por yama 114 of WhatsApp na 597-9999.





# MINISTER ENDY CROES TA FELICITA TUR NOMINADO Y GANADO DI PROLINE BASEBALL AWARD NIGHT 2023

**Mandatario di Deporte a ricibi e reconocimiento di Proline Ambassador.**



: Recientemente, Minister Endy Croes a atende e Proline Award Night di Proline Baseball Aruba. Manera ta conoci, den luna di november y december a tuma luga e di dos edicion di Proline Winter League. E weganan tabata hopi interesante y bon bishita. Na aña 2022, Proline Baseball Aruba a organisa su prome campeonato cu tabata consisti di 1 liga, esta Proline League. Na aña 2022, un total di 4 team a participa, entre otro, Panthers, Jaguars, Lions y Tigers. Ekipo di Tigers a titula campeon di e prome edicion di Winter League. E torneo a crece y na aña 2023, Proline a bin bek cu Proline League y a expande cu dos liga mas, esta Proline Prospects, consistiendo di 3 team di mucha entre 13-16 di edad y Proline Classico di e peloteronan di liga 40. Den e di dos edicion di Proline Winter League 2023 un total di 255 hungado a participa y a hunga 62 wega y un All Star Game. Durante e anochi di gala aki, a reconoce e hungadonan

cu mas a destaca den e torneo di aña 2023. E nominadonan tabata parti den diferente categoria, entre otro, pitcher, catcher, prome base, segunda base, tercera base y prospecto.

Durante e ceremonia, Minister Endy Croes a hiba palabra unda cu el a felicita Proline Baseball Aruba pa organisa un exitoso y magnifico evento deportivo. Na final di e ceremonia, Minister Endy Croes a ser sorprende cu e reconocimiento Proline Ambassador y a ricibi un bunita renchi "champion ring" y bate "Hit and Run" como muestra di aprecio pa su sosten y apoyo cu semper el a brinda Proline Baseball.

E ekiponan ganado di Proline Winter League 2023, den e categoria di Proline Prospect Warriors a konkista e titulo maximo. E ekipa di Falcons a resulta ganado di Proline League y Cobras ta ekipa ganado di Proline Classico.

Pa conclui, Minister Endy Croes a felicita Sr. Kevin James y e comision di Proline Baseball Aruba cu a organisa un exitoso campeonato y un tremendo Award Night. Alabes, mandatario di Deporte ta felicita tur nomidado- y ganado. Cu e deseo, disciplina, dedicacion y determinacion boso a logra! Masha pabien!





# MINISTER ENDY CROES TA FELICITA TUR MUCHA CU A RICIBI UN CERTIFICADO PA E PROGRAMA DI JUMP 18



: Diaranson anochi, Minister di Enseñansa y Deporte Endy Croes a atende e ceremonia di clausura di e di dos cohort di JUMP 18. JUMP 18: Programa di Prevencion di Obesidad Infantil di Aruba na Xavier University. Durante e ceremonia, Minister Endy Croes a duna un discurso y a haci entrega di un certificado na cada mucha cu a finalisa e programa. JUMP 18 ta un proyecto di Dr. Horacio E. Oduber Hospital y ta un programa cu diferente faceta di intervencion den estilo di bida. JUMP 18 ta enfoca den cuater dominio: educacion, nutricion, ehericio y invetigacion. E meta di e proyecto aki ta pa proporciona un intervencion eficiente pa combati sobrepeso y obesidad pa e muchanan di e edad di 4 pa 18 aña.

E mision di Jump 18 ta pa garantisar un estilo di bida saludabel na Aruba. E ekipo di JUMP 18



ta consisti di diferente profesional entre otro, pediatra, trahado social, dietista, entrenado deportivo y fisioterapista pediátrico. Durante seis (6) luna nan ta brinda consulta mensual cu pediatra y dientista, plan di alimentacion personalisa

y sesion di entrenamiento tres (3) bes pa siman. Minister Endy Croes ta felicita e team di JUMP 18 cu e gran trabou cu nan ta haciendo y ta felicita tur mucha cu a finalisa e programa aki y ricibi un certificado.

## POLIS A BOET DAMA CHAUFFEUR CU A COMETE INFRACCION DEN TRAFICO

Diasabra atardi durante patruya polisnan atento a tuma nota di un dama chauffeur cometiendo un infraccion den trafico, mesora a para e Nissan March y a atende cu e dama chauffeur. Despues di a ricibi su merecido boet e dama por a sigi core su auto.



### LUNCH MENU



HORARIO:  
11:00AM- 3:00PM

### OKÉ TAKE AWAY

SANTA CRUZ 36

✦ **CHICKEN BREAST HORN!**  
✦ **STEAK ALA CABALLO**  
**BANANA STOKA CU RABO!**  
**MOCHI PISCA**

**MINIBOX!!**  
✦ **BALCHI CARNI**

SEE YOU SOON!

☎ 746-3571-- 565-3232



Prome Minister Evelyn Wever-Croes:

## GABINETE WEVER-CROES TA GRADICI TUR TRAHADO SOCIAL PA NAN DEDICACION Y PASION PA TRAHA NA BIENESTAR DI COMUNIDAD

" Gobierno lo sigui sostene cada un di boso den e lucha aki".



ORANJESTAD - Riba 19 di Maart ta dia Mundial di Trabou Social y ta un dia na unda ta para keto na tur e trabounan cu ta wordo haci riba e veld social. Riba e dia special aki, Minister di Asuntonan Social Rocco Tjon, a organisa un evento pa trece tur trahado social hunto pa duna nan atencion special den un sesion di relaha y dominio pa asina por tuma decisionnan miho. E tema di e aña aki ta "Buen Vivir", cu ta un concepto conoci entre esnan cu ta den e veld social. "Buen Vivir" ta duna e hermentnan necesario, y ta inspira esnan den e veld pa realisa cu pa cada reto, tin un solucion.

E trahadonan social tambe a haya un presenta-

cion di señora Milly Lacle riba e tema di con pa nan relaha nan mes, bahando e stress di tur dia y hayando e pas cu nan mester. Un presentacion sigur hopi interesante cu a cay na un bon momento pa cada un di nan.

Prome Minister Evelyn Wever-Croes tabata presente na e ocasion special aki, na unda e tabata tin e oportunidad di comparti un rato cu esnan cu ta labora den e veld social. Prome Minister a expresa di ta sumamente honra di por a celebra un rato e dia importante aki cu nan mirando cu trabou social ta uno noble y ta exige hopi pasenshi y dedicacion, y e mandatario tin hopi respet pa esnan cu ta haci e trabou aki.

"Como Prome Minister di pais Aruba, mirando e problematica grandi cu tin den sociedad pa loke ta abuso sexual di nos muchanan, mi a pidi nan pa yuda nos.

E topico aki sigur tin nos atencion desde inicio di gobernacion. Gobierno a purba bringa e problematica aki, cambiando ley, introduciendo castigo mas severo, a bin cu ley cu no ta caduca nunca, a bin cu Codigo di Proteccion, "Signs of Safety, y a traha e Family Justice Center. E inversion den e cartera social tabata uno grandi, pa asina purba di tur manera baha e porcentaje di casonan di abuso sexual contra muchanan, dunando nan e proteccion cu nan merece.

Ta importante si pa remarca cu na momento cu e estudio a sali indicando cu mayoria di casonan na Aruba, ta wordo cometi pa esnan cu ta cerca di e mucha, manera familia, amistadnan, tanta, omo etc., ta haci e proceso pa bringa esaki uno mas dificil. Pa e motibo aki mi a pidi e trahadonan social, pa sigui yuda nos busca maneranan pa proteha nos muchanan contra abuso sexual", Prome Minister a enfatisa.

Prome Minister a expresa cu e tabata un atardi ameno, na unda cu por a wak cu e trahadonan social a wordo trata bon, y cu nan a disfruta hopi di e atardi aki bon mereci. E trabou aki no ta uno facil, pero na Aruba nos trahadonan social ta traha cu nan alma y curason pa yuda tur esnan

den necesidad, specialmente nos muchanan cu ta depende di nos pa proteha nan. E trahadonan aki a sa di demostra cu nan ta capas y cu nan tin e pasion pa haci e trabou debidamente.

"Den nomber di Gobierno di Aruba, mi ta gradici cada un di nan pa nan dedicacion na yuda esnan cu mas tin mester, specialmente nos muchanan. E respet pa cada un di boso ta grandi, pasobra ni con hopi reto tin den boso caminda, boso a sa di demostra cu boso ta sigui duna tur loke boso tin, y traha duro, superando cada obstaculo.

Mi kier a bisa cada un di boso danki pa tur boso esfuerso, y sa cu Gobierno lo sigui sostene cada un di boso den e lucha aki", Prome Minister a expresa.



## Obituario



Publica serka nos anuncio di fayecimento di bo ser keri.  
Nos tin 2 pakete pa ofrece;

Pakete 1: Anuncio di fayecimento te dia cu e defunto  
ser dera

Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto  
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

Pa mas informashon por tuma contacto cu oficina na  
585-9500 of na 741-4554



## Partido MEP

**Recordando 25 di maart 1977:****E promer Referendum consultativo den Reino Hulandes a ser organisa na Aruba**

Masha poco pais na mundo cu un territorio asina chikito y cu un poblacion di apenas 60 mil habitante por tabata tin un lider asina grandi, manera awe den feliz memoria Betico Croes, un visionario luchador cu hopi corahe, fe y determinacion.

Historia ta comproba cu pa decadanan largo Aruba tabata den un posicion hopi dificil cu un estructura estatal hopi complica, unda nos tabata parti di un constelacion federativo Antiyano, esta den un posicion di minoria y sin e instrumentonan economico pa por traha riba nos propio desaroyo. Hecho ta cu e pueblo Arubano a perde speransa den e politiconan di e tempo ey, ora cu AVP a colecta 2147 firma pa Separacion, a entrega un mocion na 1948 pa acepta 8-8 y no a haci nada ora a cambia e constelacion den Staten di Antiyas cu 12 asiento pa Corsou y 8 pa Aruba. Y ta for di e tempo ey e lucha pa autonomia di nos isla a bay den un sueño profundo, te ora cu Betico a funda su propio partido MEP na 1971.

**Vox Populi Vox Dei**

Hecho ta cu e lucha pa autonomia di nos isla no tabata un lucha exclusi-

vamente di MEP, pero un lucha di henter e pueblo Arubano. Como tal pueblo mester haya e oportunidad di vocifera locual e ta desea. Gobierno di Aruba di e tempo ey a duna sr. Nelson Oduber, Diputado di Asuntonan Constitucional e encargo di organisa un Referendum y p'asina e pueblo por expresa su mes democráticamente. "Vox Populi, Vox Dei" (Voz di Pueblo ta Voz di Dios) tabata e lema usa durante e temporada di preparacion y campaña pa Referendum. A institui un comision di Referendum consistiendo di e siguiente personanan: John van der Kuyp, Hose Figaroa, Armando Muyale y Juan E. Wever. Naturalmente mirando cu ta trata di algo serio, esta e futuro destino di nos pueblo, gobierno a institui tambe un comision di informacion, cual tabata consisti di Carlos Bislip, Roy van Putten, Leo Yarzagaray, Albert Eman, Dominico Flemming, Godfried Eman, John Hart y Atan Lee. E comision tabata tin como tarea pa percura pa henter pueblo, organisacionnan, club y scolnan por haya suficiente informacion encuan to e referendum. E comision a organisa diferente debate y foro, na



radio, television y den districtonan.

**Resultado abrumador**

Ora cu e Gobiernonan di Hulanda y di Antiyas a tende di e plan pa un Referendum, ambos gobierno a declara inmediatamente cu esaki no por, ya cu Statuut di Reino no ta duna espacio p'esaki. Sinembargo Betico Croes cu curashi y determinacion a dal bay cu e Referendum. E Referendum mes a tuma lugar dia 25 di maart 1977, unda 82.5% di e pueblo a duna gobierno un mandato solido pa regla nos futuro estatal bao tur condicion fuera di e constelacion Antiyano.

E tempo ey varios observador a bin Aruba pa mira di acerca e proceso di votacion, entre otro for di Chile, Venezuela, Puerto Rico y Corsou, mientras for di diferente otro pais a bin periodistanan, cu tabata tin elogio pa e forma con e referendum a ser organisa. Alavez no mester lubida cu Betico Croes como un verdadero social

democrata a duna tur hoben di 18 aña cu a nace aki y cu no tabata Hulandes, pero si inscribi na Censo, e derecho pa vota.

**Boycott total di AVP**

AVP a haci tur intento pa boicotia e Referendum door di pidi nan hendenan pa keda cas ("Blijf thuis met Referendum") y tambe a manda nan hendenan bay lama, tene barbecue y p'asina no vota den e Referendum.

Sinembargo e pueblo Arubano den un forma decidido a responde na e yamada pa Referendum. Cu e resultado positivo aki Betico Croes a haya e mandato pa transmiti na tur instancia local y internacional, entre otro na Nacionnan Uni e deseo di e pueblo Arubano pa su libertad. Gobierno Antiyano y di Hulanda a menosprecia y bagatelisa e resultado abrumador di e Referendum y hunto cu AVP tabata yamele ilegal y sin ningun valor alguno. Hecho ta cu 30 aña despues tanto Hulanda y tur e islanan di Antiyas tambe

## Frank: blijf thuis met referendum

ORANJESTAD — "Wanneer gij een biljet thuis krijgt om te gaan stemmen voor het referendum, blijf dan thuis", met deze woorden besloot AVP-voorzitter Rudy Frank zondagavond zijn toespraak in het AVP-programma voor Tele-Aruba. Na maan-

a sigui e ehempel di Aruba y a tene diferente Referendum riba tereno di estructura estatal y constitucion Europeo, mientras cu no tabata tin nada regla den nan constitucion. Asina pues e pueblo Arubano lo sigui recorda cu hopi aprecio y respet e Referendum di 25 di maart 1977 cu a wordo realisa danki na e vision y curashi di e gran estadista Libertador Betico Croes. Un Referendum cu finalmente a resulta di tabata e instrumento determinante pa cu e logro di nos Status Aparte entrante 1 di januari 1986.



Minister Geoffrey Wever:

# Tecnologia innovativo den industria agricola lo sigui beneficia economia di Aruba



Prome cu e Aruba Investment Summit 2024, minister Geoffrey Wever a bishita Royal Peppers na Waddinxveen. Royal Peppers a invita e mandatario pa wak con ta usa tecnologia di cultivo pa produci na un manera efectiente promenton di diferente color.

Royal Peppers ta un com-

pania di famia, di rumanan Peter y Patrick van den Bosch cu produccion di promenton na 5 diferente localidad na Hulanda.

Durante e bishita na Glastuinbouw Royal Peppers, minister Geoffrey Wever, hunto cu representate di ministerio di naturalesa, Sr. Anko

Koopmans y directora di Departamento di Asuntonan Economico, Comercio y Industria sra. Maria Dijkhoff- Pita a haya un splicacion y tour di Sr. Peter van den Bosch riba con e compania ta produci promenton a base di tecnologia innovativo di cultivo.

E compania a indica cu basa riba peticion di cliente ta produci e cantidad y color desea di promenton. Pa garantis e calidad di produccion, e compania ta registra tur datos via un sistema computarisa. Acceso na e datos ta disponibel na cualkier momento pa wak con e proceso di cultivo di e promentonn ta bayendo.

Diversifica Aruba su eco-



nomia ta prioridad di maneho economico di gobierno di Aruba. Stimula agricultura comercial y inversionnan den esaki ta di sumo importancia pa desaroyo di e industria agricola como otro pilar di economia.

Ta un realidad economico cu Aruba ta importa mayoria producto entre otro

fruta y berdura. P'esey ta importante pa explora e rol di tecnologia innovativo pa desaroya e industria agricola. Companianan Hulandes como lidernan den uzo den tecnologia innovativo di cultivo y exportacion na mundo ta un partner importante den esaki, segun minister Geoffrey Wever.

## HOMBER HINCA DEN BARICA DIASABRA MARDUGA



Emanstraat - Diasabra marduga den careda di 3'or pasa, polis ta bay Ranchostraat pa un persona cu lo a wordo hinca.

Na yegada di polis a resulta cu e persona hinca ta den Emanstraat na final den Ranchostraat bay zuid den Emanstraat.



Polis a bin topa eynan un homber hoben cu un herida den area di su stoma. Ambulance ya e momento ey a wordo avisa y tawata na caminda.

Paramediconan cu a yega a bay atende cu e victima,

y parse cu e lo tawata envolvi den un problema cu a termina na hincamento.

Departamento tecnico tambe a wordo pidi pa presenta na e sitio. E momento eynan niun persona a wordo deteni.



# MINISTER XIOMARA MADURO DI BISHITA CERCA E MUCHANAN DI COLEGIO BON BINI Y FRANCISCUS COLLEGE




Recientemente, en conexion cu e celebracion di nos dia nacional, nos Himno y Bandera, Minister Xiomara Maduro tabata di bishita den Playa pa asina sigui su bishitanan escolar.

E mandatario a bishita Colegio Bon Bini unda alumnonan di klas 5 y 6 a comparti un rato ameno cu e mandatario, teniendo un charla cu nan riba kico ta locual ta haci nos orguyoso di nos Pais.

Despues di esaki, Minister Maduro a sigui pa bishita Franciscus College caminda cu e alumnonan a ricibi e mandatario te na





**PRONOSTICO DI TEMPO**

VALIDO TE DIALUNA 25 DI MAART 2024, 18:00 ORA

**TEMPO:**  
AWE TARDI Y AWE NOCHI: PARCIALMENTE NUBLA Y GENERALMENTE SECO  
DEN MARDUGA Y MAYAN: PARCIAMENTE NUBLA SIN AWACERO DI IMPORTANCIA

TEMPERATURA MAXIMO 32 GRADO CELSIUS  
TEMPERATURA MINIMO 26 GRADO CELSIUS  
INDICE DI CALOR (HEAT INDEX) DEN Y ROND  
DI ORANAN DI MERDIA: 33 PA 38 GRADO CELSIUS  
UV INDEX: 12  
POTENCIAL DI AWACERO PA PROXIMO 24 ORA:  
MENOS DI 1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y  
AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:  
PARCIALMENTE NUBLA, SIN AWACERO DI IMPORTANCIA.  
BIENTO LO TA FOR DI DIRECCION OOST Y MODERA;  
BASTA FUERTE TE FUERTE DEN RAFAGA.  
TEMPERATURA (GRADO CELSIUS)  
MAX / MIN LO TA: 32 / 26



porta di scol y asina gui'e den klas 4 caminda cu e por a tene un charla cu e muchanan tocante Aruba y tambe e celebracion di nos Himno y Bandera.

Minister Maduro ta duna un danki na tur esnan cu a haci e bishitanan aki posibel y tambe un danki pa e bunita bonbini cu ela ricibi na ambos scol y ta dese-



anan un dushi celebracion Himno y Bandera. di nos dia nacional, nos



DAMA VENEZOLANA NO KIER LAGA SU EX  
NA PAS Y A DAL SU AUTO RIBA E AUTO DI E  
EX VARIOS BIAHA Y CAUSA DESTRUCCION



Diadomingo madruga a drenta informe di un pelea di pareha na Bushiri, mesora a dirigi un patruya na e sitio.

Na yegada di e patruya a bin compronde cu aki ta trata di un problema entre un ex-pareha venezolano



cu ta kedando aki cu Asilo Politico unda e pareha no ta cu otro mas y e dama ta core tras di e auto di e ex y a dal e auto di e ex varios biaha. Ademas e dama a causa destruccion na e auto di e ex. Polis a detene e dama pa destruccion y intento di asesinato.



HOROSCOPO  
25 di Maart 2024

Feliz y productivo dialuna. Awe Solo di Pueblo ta presenta su horoscop pa dia 25 di maart 2024.

**Aries**  
Awe ta un dia yena di reto sentimental. Bo lo por ricibi un recompensa economico chikito. Proyecto laboral bieu por cuminsa solidifica. E cuidonan anterior lo beneficia awo bo organismo. Number di suerte: 55, 67, 3.

**Tauro**  
Lo bo logra haya e atencion di e persona ey cu ta interesa bo. Scucha e exper-tonan of lo bo tin problema economico. Asumi responsabilidad nobo, bo ta capacita. Lo bo bay tin algo di dolor di cabes. Number di suerte: 13, 63, 3.

**Geminis**  
Si bo kier pa tur bolbe na normalidad cu bo pareha, lucha p'e. Bon momento pa bende loke bo kier. Lo bo mester supera e obstaculonan profesional. Lo bo gosa di un bon estado fisico y mental. Number di suerte: 52, 86, 6.

**Cancer**  
Den amor, lo bo sinti bo hopi inspira y sensibel. Cuida bo inversionnan y e resto di e temanan economico. Bo lo mester enfoca riba bo obhetivonan profesional. Dia di bon

salud. Number di suerte: 82, 77, 7.

**Leo**  
Awe ta un bon dia pa invita bo pareha bay cine. Bo tin e tendencia pa cuminsa cu proyecto economico poco rendabel. E astronnan lo aporta energia pa logra bo metanan laboral. Paz y serenidad interior lo ta refleha den bo organismo. Number di suerte: 69, 96, 4.

**Virgo**  
No mezcla famia cu amor. Conclui bo asuntonan economico cu bo tin pendiente. Trabao lo bay bon durante e dia. Lo bo libra di e presionnan cu tanto ta afecta bo. Number di suerte: 99, 16, 1.

**Libra**  
Un persona cercano lo proporciona bon momento. Lo bo gasta placa den complace bo sernan stima. Purba ta mas disciplina den bo trabao. E debilidad ey cu bo ta nota, bo mester vigil'e. Number di suerte: 63, 55, 9.


**Scorpio**  
No idealisa bo pareha demasiado, e ta humano. Evita pidi placa presta. Complicacion na trabao, rasona prome cu bo actua. Awe e dolencianan bieu lo cuminsa cura. Number di suerte: 44, 93, 2.

**Sagitario**  
Bo tin e gana di biba experiencia amoroso nobo. Stop cu remordimento y gasta placa den e capricho ey. Momento profesional hopi delicado. E falta di interes na ora di alimenta ta peligroso. Number di suerte: 55, 63, 6.

**Capricornio**  
Ta sin un amor na bista tambe tin su bentahanan. Desconfia di e facilidadnan pa obtene placa facil. Duna man n'e compa'ero cu tanto tin mester di bo. E miedo di lift ta angustia bo, purba di solucion'e. Number di suerte: 85, 36, 4.

**Acuario**  
Dia dibertido caminda lo bo disfruta hopi cu bo amigonan. Oportunidad pa resolve bo debenan economico. E mal intencion di un colega lo laga bo pasa un mal dia. Pone atencion, cansancio no mester vence bo. Number di suerte: 39, 49, 9.

**Piscis**  
No ignora e afecto di e pr-sona cu bo conoce. No laga ambicion haci bo ciego di e realidad. Cierto conflicto laboral, e no mester preocupa bo. Trankilidad ta loke bo curpa tin mester awe. Number di suerte: 21, 31, 6.



	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4





# Segun un estudio Vaping lo ta relaciona cu cancer

Un grupo internacional di investigado a descubri cu e personanan cu ta vape y e humadonan di tabaco ta experencia cambio similar den e DNA di e celnan cu ta cubri e boca, loke ta trece duda riba con dañino sigaria electronico por yega na ta, University College di London (Reino Uni) a informa diamars.



E ta conoci como epigenoma, e conhuntu di composicion kimico cu, ora cu e DNA ta reuni, ta regula e actividad (expresion) di tur e gennan dentro di e genoma. Di acuerdo cu e científiconan, e epigenomanan ta modifica constantemente y por haya nan afecta pa diferente factor genetico y no genetico, y hasta door di stress y trauma psicológico.

E cambian den e epigenomanan por afecta e expresion di e gennan, loke di su banda por fomenta e funcionamiento di e celnan. E metilacion di e DNA ta un tipo di cambio epigenomico cu por causa e desactivacion di un gen, fomentando asina e expresion genetico.

Den un estudio nobo recientemente publica den e revista Cancer Research, a analisa mas di 3500 muestra celular cu e finalidad di identifica e metilacion di e DNA den e celnan exponi directamente na huma y n'e vapor di tabaco (di e boca), como tambe den esunnan indirectamente n'e

residuonan aki (cel den e  
sanger of n'e boc'i matriz).

Vaping por resulta dañino? E autornan di e investigacion a splica cu nan a logra identifica e cambionan epigenomico den e celnan epitelial di e boca di e humadonan di tabaco, cu tambe ta observa e celnan pulmonar canceroso of precanceroso. N'e mesun momento, nan a menciona cu a detecta cambio similar den e celnan epitelial di e boca di e consumidornan di sigaria electronico y di esunnan cu lo a huma menos di 100 sigaria den nan bida.
















Di otro banda, e exper-tonan a haya cu algun cambio epigenomico vincula cu tabakismo ta mantene mas stabiel cu otro despues cu stop di huma, incluyendo e cambionan den e muestranan di e boc'i matriz.

E científico Martin Widschwendter, a enfatisa cu, a pesar cu e tabatin conocimiento cu huma tabaco por modifica e epigenoma, ta desconoci "con e ta in-

fluencia den e diferente tipo di cel," fuera cu "si e resulatonan lo ta similar of lo afecta diferente gen y característica biologico."

Di su parti, e investigado Chiara Herzog a indica cu "si ta bon, e consenso cientifico ta cu e sigarianan electronicu ta mas sigur cu huma tabaco, nos no por asumi cu su uzo lo ta completamente sigur," pa cual "ta importante explora su riesgonan potencial a largo plaso y su vinculonan cu cancer." Tambe, el a subraya cu e ta spera cu su investigacion permiti pa tuma luga "un discusion mas amplio riba e uzo di e sigarianan electronicu, specialmente cerca e personanan cu nunca a yega di huma tabaco."



		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 24 Maart 2024 Merdia	
 Sorteo # 4219 <b>4975</b> <b>1794</b> <b>3456</b>  <b>X2</b>  Sorteo # 4219 <b>7291</b>  <b>X2</b>  Sorteo # 2275 <b>0360</b>  Sorteo # 4219 <b>0548</b> <b>Capricornio</b>  Sorteo # 1093 <b>845</b>  <b>X3</b>		 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot <b>150.000,-</b>
		 Sorteo # 6425 0 x Jackpot 6 x Match 4 132 x Afl 8,00	01-08-10-11-23 Proximo Jackpot <b>60.000,-</b>
		 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot <b>300.000,-</b>
		 <b>Afl. 400.000,-</b>	
		 Sorteo #    	

## ORACION DI DIA

**Un feliz dia yena di bendicion y colma cu  
hopi fe y confiansa den nos Bon Dios**

El a bisa nan:..... ”Pakico boso tin tanto miedo  
asina? Ainda boso no  
tin fe?” (Marco 4, 40)

Confiansa. Un palabra cu nos conoce bon. For di chikito nos a siña confia nos mayornan. Sin pensa, di biaha nos ta kere nan, pasobra nos sa cu nan ta stima y cuida nos. Segun cu tempo pasa, nos ta crece y ta topa hende den nos caminda di bida cu kisas a defrauda nos. Nos ta cuminsa duda den e sinceridad di hende. Y perde confiansa y speransa den Dios. Tambe nos tin miedo di faya y miedo cu otro hende ta faya nos. E disciplinan a duda, nan tambe a haya miedo y a perde speransa. Nan no sa di e poder todopoderoso di nan Maestro Hesus. Nan no conoce ainda. ...: 'Ta ken e homber aki ta? Hasta biento y lama ta tende di djE'(Marco 4, 41) nan a bisa. Nos tambe por scapa di un tormenta o un turbulencia den nos bida. Scucha Su Bos severo cu ta papia den nos curason, pa nos confia den djE, E Yiu di Tata.

Oracion: Señor Hesus, haci mi Fe mas grandi. Yuda mi. Proteha mi. Duna mi forza pa enfrenta tur problema cu un calma, paden den mi ser. Den e nomber prestigioso di Hesus di Nazaret. Amen.



# E BON NOTICIA NO BAI Y NO YAMA ESNAN CU TA CONSULTA DEN TAROT Y DEN MEDIUM

E cartanan di tarot ta origina den temponan antiguo di e pueblo pagano di Egipto y tambe for di Italia den siglo XV. E ocultismo nan satanico a cuminsa usa e cartanan di tarot pa adivinacion den siglo XVIII na Francia. Awendia e cartanan di tarot ta wordo usa pa esnan den ocultismo, esnan den bruheria, esnan den spiritista y esnan den New Age. Nan ta usa e carta di tarot pa obtene conocimiento oculto riba pasado, presente y futuro. Bijbel ta cualifica e tarot manera adivinacion, pero tambe e cartanan aki ta imprimi cu influencianan diabolico. Esnan den medium ta consulta den spiritonan diabolico y nan ta usa e tarot pa in-

voka podernan diabolico y pa duna potencia na e cartanan. Cada parti di lectura di tarot e.o. interpretacionnan y creencianan, ta marca pa influencianan di reino diabolico. E cartanan di tarot tin simbolonan pagano e.o. zodiac, diosnan pagano, devil horn, pentagramnan etc. Satan as ta disfrasa den angel di lus ( 2 Corinthionan 11 : 14 ) y e diabelnan su discipelnan tambe ta disfrasa den husticia ( 2 Corinthionan 11 : 15 ). E spiritonan diaboliconan aki, nan ta tras di e lecturanan di e cartanan di tarot, dunando prediccioannan falso. Den Bijbel Dios ta condena den fierno, tur esnan cu ta practica adivinacion, bruheria y adivinacion pa medio di tarot. Den Bi-

jbel Deuteronomio 18 : 9 – 12 : “Ora boso yega e tera su Senjor boso Dios ta duna, no imita e practicanan abominabelnan den e pueblonan ey. Cu no ser haya den boso, ken cu laga kima su yiu homber o su yiu muher como ofrenda. Cu no tin adivinonan, no consulta cu e astronnan, no consulta den bruherianan, no consulta cu e medumnan, no consulta cu e mortonan, cu no tin ningun adivino. Pasobra Dios ta aborece na esnan cu ta haci e abominacionnan aki y pa e causa aki, Dios ta core cu nan pa bo.” Den Bijbel Levitico 19 : 26 : “No come carni di bestia cu sanger aden. No practica e adivinacion y no mete boso den bruheria.” Den Bijbel Levitico 20: 6 : “Si

algun hende ta consulta cu e spiritistanan of na e adivinonan pa uni cu nan, lo Mi bira Mi Cara contra nan y lo Mi eliminanan den nan pueblo.” Den Bijbel Levitico 10 : 31 : “No mete boso mes den spiritismo (medium) y ni consulta cu e adivinonan, pues boso ta haci boso mes impuro pa esey. Ami ta Senjor boso Dios.” Den Bijbel ta prohibi claramente e adivinacion, e ocultismo, e spiritismo (medium) y bruheria. Tur esakinan ta wordo aplica directamente na e uso


di e cartanan di tarot pa obtene conocementonan diabolico y pa mira futuro. E simpel echo di posee of di tin un baraja di carta di tarot cu bo of den bo cas, anto ta habri den bo bida tur tipo di peligernan, e.o. oprecion diabolico rond di bo, den bo cas, posei, danjo spiritual y mentalmente. Busca e caminda, e conocimiento, e pas y e amor di Cristo-Hesus tur dia. Solamente Cristo-Hesus ta sostene bo futuro y E so ta dirigi bo destino. Seferino Tromp

## Homber a dal abao dilanti Bow Bow na Ponton

Diabierna atardi a drenta informe di cu un homber a dal abao na Bow Bow Bar Restaurant na Ponton,

mesora a dirigi un ambulans na e sitio.

Na yegada di e ambulans



nan a atende e persona y mester a hib'e hospital pa mas tratamiento.

## Polis a detene chauffeur burachi cu tabata core irresponsabel



Diasabra madruga polisnan atento a topa cu un chauffeur cu tabata core masha malo mes riba caminda, mesora a par'e y a bin resulta cu e chauffeur ta bao influencia.

Ora cu a test e chauffeur ela surpasa e limite permiti y pa su mesun seguridad y di otronan polis a detene.

### MARAVILLAS DE LA FE

**Salud  
Suerte - Amor**

Aruba: 748-5671

Cartas di tarot

Bo ta sufrí di un malestar cu bo no por cura?  
 Bo ta victima di bruheria?  
 Bo plaka no ya jega?  
 Bo cumpra numbernan y bo no ta gana?  
 Bo ta bai casino y no puede tur bo plaka?  
 Bo tin problemanan di amor?  
 Bo pareja ta gañabo?  
 Fracaso. Soledad. Malesanan angustia. Mala suerte  
 Comunica na 748 56 71

## CHAPI Y VERF HANDY MAN

Nos ta haci tur sorto di chapi y verf cas, edificio, school.

Nos ta tira sushi afo.

**Cel: 561-1397**